



39126

kal. komp.

I

Mag. St. Dr.

P

Teol. 2850.

Dmowski Casimiri: Idea Pontificum aures
liberalitatis pontificiae stylo in D. Ni-
colao, Episcopo Myroni, exarata.



stdr0002426

I D E A
PONTIFICVM.

Aureo Liberalitatis Pontificiæ stylo

I N

D. NICOLAO

Episcopo Myrensi

E X A R A T A.

E T

Ad Genethliaca Festa,

PER ILLVSTRIS & Adm. REVERENDI DOMINI,

D. NICOLAI

D E O B O R Y

O B O R S K I,

V. I. D. Prothonot. Apost. Archidiac. Crac. Cantoris
Posn. &c. &c. S. R. M. Secretarij.

Votiuo plausu

A M. CASIMIRO DMOSICKI, Philosophia Doctore,
Seminarij Crac. Prefecto

E X C I T A T A.

Insigne peruetustæ Domûs
OBORSCIANÆ.



Faciam illum Columnam in templo DEI mei.

Apocal. 3.


3972.67

V.I.D.

DO



do, v
grati
ciæ li
nor n
glori
Non
dign
esse p
prim
simu
non



Perillustri & Adm. Rndo Dño.

**D. NICOLAO
DE OBORY
OBORSKI,**

V.I.D. Proth. Apostolico, Archidiacono Cracou.
Cantori Posn. &c. &c. S. R. M. Secr.

Domino, & Patrono vnicè obseruando.



A publicas gratulantium voces, & è festiua
Natalium Tuorum die, Patroni Tui, ac orbis D. Ni-
colai honoribus sacra, hilari voto applaudentiũ,
meam solam obmutuisse balbutim, non tam dede-
cus, quàm peccatum arbitrabar. Tanta enim est
beneficiorum Tuorum in me profusorum multitu-
do, ut illam ceu mutuis officijs reddere non possim, ita tacere sine in-
gratitudinis periculo pertimescam. Ideam verò Tibi aureo Pontifi-
ciæ liberalitatis stylo, quod dedicem in Tuo Patrono exaratam, opi-
nor non miraberis. Dedico illi, qui hâc atate, hoc honore, Antistitum
gloria succedis, breui, Mitras, Tiara sçq. eorũ, bono omine prensaturus.
Non quod diffitear Te Domi Tuae Antistites nōsse, quos in normam eius
dignitatis recenscas; neque quod putem Tibi temetipsum Ideam non
esse perfectionis absoluta: Numeras quippe vetustissimis catalogis à
prima u origine zelosissimos Episcopos, quorum compendium Illustris-
simus Thomas Laodicensis, Patruus Tuus, Ecclesiæ Pater. Non es Tibi
non conscius, quorum sis particeps meritorum, quanta pietatis ama-
tor,

tor, qui iustitia vindex, qui sacrorum promotor, qui Patronus egen-
tium. Non quod inquam nesciam illa, sed quod nouerim Te in vno li-
bentius hac lecturum Nicolao, quo Tu promptius id concedis Diuo illi,
qui ad augustissimos virtutum splendores, plurimum humilitati con-
cessisti, prima illarum doti, quas à vetustissima Familia hunc vsque in
diem conseruasti. Suscipe unicum precor hanc quamcunque opellam
meam, Ego verò profusissima prece supremum Numen fatigabo, vt ad
augustissimos, quos mereris in Ecclesia, Requepub: honores, valetudi-
nem Tibi vegetam adijciat. Viue, & vale in columis, in numero nu-
mero annorum, successuumq; felicitates hinc aggregaturus, id Tibi
enixe vouet.

Tuis obsequijs

dedicissimus

M. Casimirus Dmosicki Philosoph. Doctor,
Semin. Crac. Praefectus.

I D E A



I D E A PONTIFICVM.



Illectum cælo, terræq; Antistitem, speciosum æternæ gloriæ sponsum, admirandum virtutum meritorumq; prototypon, D. NICOLAVM Episcopum Myrensem, ipsis omnibus virtutibus commendatiorem, ipsis commendationibus amplio-rem, elingui meâ balbutie laudaturus, vereor, & non mediocriter exhorresco, ne id oneris assumpsisse videar, sub quo non nisi succumbere cogar A. A. Illene enim Sanctus, cuius admirabilem vitam felix æternitas contemplatur: ille Sacerdos, qui augustissimas sacerdotij dignitates proprio complet honore: ille Patronus, qui suis clientibus immortalia in dies confert beneficia: ille Pontifex, qui hunc orbem & pius & diligens exemplis præceptisq; formavit: ille tutelar, qui me dicentem, qui vos audientes recenset: ille denique D. NICOLAVS, cuius memoriam nulla ætas conticescet, nulla sæculorum contentio pro meritis illustrabit: à me laudabitur? Equidem *Vir pollutus labijs ego*, in hac tam multiplici varietate, ne varius & multiplex accuser, formido. Fortè ergo vnum eligam, seu vitæ interstitium, seu sanctitatis momentum, quod integræ orationi congruam ministrabit supellectilem? Etiam verò ad quæq; maxima, maximæ D. NICOLAI virtutes singulæ, singulares sunt, etiam illius merita, si diuisim tangantur, congeriem dicendi constituunt infinitam. Genus eius, nobile genus est, & cui tota Patara, tota Lycia, altrices olim, testes hodie non sufficiant. Natiuitas eius, sancta natiuitas est, & cui quemadmodum esse con-

rigit diuinitus impetratæ, ita celebrari nonnisi cælitus contingat
necesse est. *Ætas* eius tota, sancta ætas est, ad totam vniuersæ san-
ctitatis normam concinnata. Quidsi examinem, si ad libellam
prout teneor minima recenseam, si ab infantia, schola illa Virtu-
tum, ad exitum vsque totius vitæ, ac post hunc prodigiorum com-
paratorum miracula adnitæ euagari? si deducam, vt ille vix natus,
natos de muliere omnes rigido abstinentiæ cultu antecede-
bat, quarta & sexta ferijs ab vberibus nutricis abstemius, *ex ore infan-*
tium & lactentium perfectæ laudis profecturæ *Infans* athleta: vt
cultioribus disciplinis deditus *Adolescens* ad scholas vixerit norma
studentium, tum potissimum bonus, cùm omnes bonos profectu
superaret ingenuo, in frugem æterno cælorum œconomo succe-
scens surculus: vt *Vir secundum cor* DEI omnia facta dictaque ad
amussim perfectæ non simulatæ pietatis conuerterit, totos vitæ
gressus ad terminum salutis disponens: vt deniq; *Senex* occubue-
rit, non diebus, sed lucris dierum, salutis spe plenissimus, pro am-
plis in cælum meritis, meritissimis cælorum emporijs inuestiendus
candidatus: si hæc inquam omnia admirer, imo his in maximis
alia multò maiora? quæ mihi tandem vocis non expetenda auxi-
lia, quæ tenuitatis non execrandæ conscientiæ. quæ temporis non
imploranda copiæ, vndiquaque aliàs infirmo, debili, imbecilli?
Memini vsitatum aliquibus, vt initio dicendi, quod cæptis, exitum
difficiles inueniant, in opem & auxilia Cicerones ab inferis susci-
tare. Nimirum ideò, vt illorum fluentis sua sustentetur oratio,
illorum vi confirmetur. At hæc quam aliquibus popularia sunt,
tam mihi inutilia, qui scio Diui Nicolai sanctimoniam, omnem
humanam eloquentiam ad incitas propellere, & tum demum
abundè satis ab omnibus de illa dici, cùm ab omnibus nusquam
satis dici posse videatur. Ipsi hic inter vberriimos eloquij fontes Iso-
crates sitire, ipsi inter concitatos dictionum imperus Demosthenes
impediri, ipsi Pericles inter profusas rerum verborumque copias
inopiâ premi debent; denique omnis quantumlibet garrula &
facun-

facunda eloquentia conticescere, cuicumq; è mellito pectore Diui nostri pro dignitate locuples oratio non inprecatur. Nec verò mihi alias quam à Te, de Te dicenti, vel solatium vel subsidium prospicitur D. Patrone, cui ne vtique mens dicendi accessisset, nisi Tuis patrocinijs niteretur. Agnosco imparem me, qui maxima, qui minima (si quæ tamen minima vltra magnitudinum gradus maximis vniuersis?) merita Tui recenseam. In te confido tamen, quia aliqua Te Dictatore infanti deducam dictione. *Ideam Pontificiũ, aureo liberalitatis Pontificiæ stylo exaratã in Te venerabor.* Nempe faciam, quod illi solent, qui vastas latissimi orbis amplitudines, minutissima in tabella notant non pingunt, & vno digito stupendam Cyclosum molem, quod alias nequeant, metiuntur. Annue Tu votis ijs quibus comprecor è facundo pectore Tuo tenuitati meæ congruam infundi facundiam, deuotæ cultui Tuo cohorti, beneuolæ attentionis studium; Ego iam quod capi aggreddior.

Præcipuam Pontificiarum virtutum dignitatem liberalitatem esse, nemo hucusque post improbos improbauit. Nec enim in qua iustior amplissima laudis seges, nec in qua pinguior vastissima commendationis materies elucescat, vlla est virtus alia, hæc, qua homines in humanitatis possessione legitima instituimur & secreti à vulgo, vltra vulgus aliquid sperare spirareque efficimur cultiores. Scilicet, Liberalitas *prima dos Principum* Diocletiano putata, vnicum est hominum ornamentum. Hæc imperia beneficijs tutius ac armis fortitudo custodit: hæc ciuium ciuitatumq; honores, benefica barbarorum victrix tuetur: hæc communi mortaliū societati officijs beneficiorum necessitatem imponit: hæc toti viuentium numero innumeram benè habendi, benè agendi, rationem subministrat: hæc vnicuique statui, ætati, conditioni opportuna, vnicuiq; hominum & honesta, & amica debet esse. Quod si, dum circumnotanti Bonorum Malorumq; fines Patri Patriæ, eidemq; Eloquentiæ credimus, *Qui liberalitate vtuntur, beneuolentiam*

tiam sibi conciliant, & (quod aptissimum est ad quietè viuendam)
charitatem: Quis tandè nesciat illius è hominū catu maiorem ali-
cui curam & amorem debere esse Pontificibus? quos ideo Anti-
stites veneramur, vt antestantes religionis, tranquillitatis, quietis
publicæ defensores habeamus: quorum vnum munus est, benefi-
cio beneuolentiam plebis lucrari: officijs officia mereri, in pace
quieteq; velle omnes florentes ac incolumes, vt denique omnes
mutuâ charitate vnanimis, illi qui charitas est DEO, officioso cul-
tu praesentent. Est equidem liberalitas charitatis ministra, vt hæc
maior esse non potest, ac beneficijs comparata, ita illa penitus ne-
quit cogitari, nisi totius amoris, ac dilectionis comitatu stipata. Est
ei hoc à natura beneficium, quod mentes hominum flectat vt ve-
lit, quo velit; est gratia singularis, quod omnium animos manu te-
neat, & pro ingenuo arbitratu quo tenetur inducat. Vt verò nihil
deterius auro terra nutrit, nempè cui post vltimas vix aliqua de
moribus, prima ante omnes quæstio est de pecunijs: ita me hercule
nihil felicius liberali humeris suis sustinuit vnquam, quem vno suo
sinu matrem virtutum omnium charitatem complexum, ceteros
omnes excedere dignitate penitus est in confesso. Non quod ve-
lim omnes prodigos, profusosq; Episcopos: non quod requiram
vltro magnitudinem censuum liberales. Odi æqua nausea luxum
& auariciam, quin hanc illi è duobus malis vnus minoris elector,
præfero non inuitus. Sed quia opto Pontificiam hanc vnâ vir-
tutem, virtutem *magnificam & ingentem, nulla quam rapiat dies*:
Prodesse miseris: supplices fido lare suscipere: in integro illasq; que
conseruari. Deest quippe pietas viris qui afflicto nesciunt pij esse:
frustra illi exemplo contendunt, qui scandalo sunt: ordinatum ne-
gant Canones Episcopum: *quem non constet esse hospitalem*. Et me-
ritò sanè. Cui enim tam lauta hæc suppellex, cui hæ tam magnificæ
fortunæ commodo seruariantur, si non earum vsus esset aliquis?
imo si non hic earum vsus esset, quo vsibus egentium subueniri
possit? An Ecclesiarum patrimonijs? *At aurum habet Ecclesia non*

ut seruet, sed ut erogat & subueniat in necessitatibus. An Rerum-
publicarum dignitatibus? at illæ non vsquam indigniores, ac ad
inopiam prolapsis ciuibus, diuites, in pauperiem adactis, locuple-
tes, despectui prostitutis, fastuosæ. An affinium lucris? at hos redi-
tibus Ecclesiæ ditari sine sacrilegio non conuenit, quos Pontificum
Gloria secundum ordinem Melchisedec initiatus Sacerdos, non di-
tandis consanguineis sed sustentandis pauperibus, auxit, adiecit. Ac
si dicendum iam quod interiorum captiuat affectum, dico quod
non meo proprio scio arbitratu, sed Patrum Conciliorumq; consi-
lio; Episcopi ante omnes prima gloria Liberalitas est, prima virtus
benè faciendi addicta necessitas. Hoc nomine illi, vltra omnes hu-
manarum dignitatum apices constituti, præsumt populo ut pro-
sint. Eo mysterio ut olim bis senum, Senum Collegium toti orbi
Præsides habentur, ut Præsidiarij afflictis egentium gentium rebus
succurrant. Eâ vi, potestatem soluendi ligandiq; stricta & soluta, in
vitium proruentia, virtutemq; properantia bona, ac mala facinora,
vfitato imperijs ritu *Pramio Penæq;* distinguunt, ut non furentes ne-
cis Domini, sed liberales vitæ largitores amentur. Eo denique in-
stinctu, Domus habere iubentur, non canum, non vigilum, non ar-
matorum armentis in custodia vallatas, sed hymnorum plausibus
omnium aditu-faciles: ut sint communia quædam hominum ho-
spitia, publicæ aliquæ domus, domus omnium inuitatrices, dota-
trices, ditatrices: *Laicus enim vnum, aut duos, aut paucos recipiens,*
impleuit hospitalitatis officium; Episcopus nisi omnes receperit, inhu-
manus est. Atqui ego ad fastidium vsque profusus notissimorum
accuser æstimator, nisi illa omnia quæ dixi & etiam illis omnibus
ampliora quæ non dixi, in vno vobis, & amplificem, & ostendam
Nicolao: qui habet id ante omnes dignitatis, *ut exaratam in semet-*
ipso aureo Liberalitatis Pontificia stylo, Pontificum Ideâ circumferat,
hinc penitus Sanctus, quia Liberalis. Cymonis Atheniensis: Au-
lijq; Imperatoris non hucusq; satis magnificè meminerunt Histo-
riæ, quod *Hic tunicas viritum per populum dederit, frumentumq;*

*cum vino partitus fuerit: ille spolijs hostilibus locuples ea ciuibus suis distribuerit, amotisq; vndiq; agrorum suorum septis, vulgo, poma frugesq; sumendas dederit: praparauerit. itidem ingens domi suæ conuiuium, quo vndique influentes pauperes vescerentur. Magna hæc & ad miraculum orbis patrata; ego quoque libens admiror & veneror, cæterum eo cultu vt Diui nostri, liberalitati maximæ: minimè putem æqualia. Tribuerunt enim, illi subditis suis ciuibus tanquam post seu ipsi, seu per successores posteros repetituri beneficia: auctâ plebe, ipsi amplius augendi, locuplete locupletandi; D. Nicolaus, nullo aduentantium discrimine, nullo egentium delctu, quos potuerat, sustentabat. Illi profundeabant, vt viderentur spe lucri, ambitu gloriæ, cupidine fastus; hic donabat nullo eorum respectu habito, tum demum felicitati suæ tribuens, cum à nemine notaretur. Non ille cum Alexandro Seuero vacuas papyros, inanibus replebat catalogis, *quid alicui præstitisset in diem?* ambitiosa serie narraturas. Non ille cum Archelao rixarum tumultuumq; incensore, *petenti negandum, non cogitanti tribuendum beneficium, arbitrabatur*. Cuiq; liber ad eum patebat aditus, quæcunq; aliquis petiisset, semper ab eo impetrauit. Erat certum cuique asylum, ratum cuique receptaculum, gratum præsidium. Accurrebant ad sacros suos postes innumeræ numero cohortes, opem, opes, operam implorantes? annuebat, largiebatur, afferebat; Non accurrebant? ipse eas Consiliarius consolatorq; beneuolus, beneficus, accedebat. Replebant domum Orphani, Vidui, Peregrini infirmi, egeni, manci, debiles semiuiui? lætabatur, solabatur; Non ade rant? ablatam sibi benè de Deo, quia in nomine potentis Dei, petentis pauperis occasionem, non sine luctu restitui precabatur. Circumcursitabant hinc, inde, à fronte, à tergo, è templis domum, hinc illac, reducem, aduenam? Angelos non homines ratus, reueriebatur, miseros intuitus, sustinebat, sustentabat; Non circuibant? quasi famulatio viduus incedebat. Haud maius existimabat volupe, quàm si egenti ægroto opem ferre, famelicum cibare,*

bare, languidum fulcire, Scipio labentium potuisset. Diem plan-
gebat qua de proprio aliquid pauperibus non distribuisset, palam
accusabat, si inopi palmas non aperuisset, negotium abhorrebat,
ad quod prius quam ad pauperem manus extendisset. Taceo eius
hic quia sacri abundè satis tangunt Fasti, Zelum illum, quo ad vin-
dicandas afflictorum iniurias, multo maiore ac in proprias fere-
batur. Relinquo intactum Amorem illum, quo ultra omnes cha-
ritatis humanae gradus, erga proximos aestuabat. Mitto libens con-
stantem dilectionis ardorem, à quo se, non Genus clarum alias &
illustre: non dignitas omnium facile Princeps: non egestatis formi-
do proximo interstitio proxima: non opum blanditiæ, animosissi-
marum quoque mentium deceptorices: sed neutiquam quidquam,
à munifica largitione bonorum egentibus, post mortalitatis tyran-
nidem auellere potuerat. Ibat quo in aetatem, eo in omnia illa
firmior, felicior: nempe, ineunte annorū vere in palæstra Libera-
litis exercitus, in omnem sæculorum aetatem, *Idea Pontificum* su-
spiciendus. Qua Palæstra? queritis? edissero. Vixerat Viri eius
temporibus Patara Patria sua nobili, nobilis quidam, quam olim
diues, tam interea afflictus, tum ideo quod à meliori fortuna in
deteriorem, fatorum inclementiâ, concidisset, tum ideo quod tri-
nas domi habuisset filias, quas fæderi dare maritali, & ætas adul-
tior, & sua vrgebat egestas. Quid ergo miser ille faceret? vnicum
assiduo cogitabat. Tandem vndiq; consilij, vndique opum inops,
venit in hanc insanam sententiam, vt prostituere primum, post
elocaret puellas, si prostibulo illo dos æqua, suæq; sustentationi re-
liquæ ex æquo respondisset. O scelus! ô portentum! quid con-
tremuisti anime! quid non vlciscimini vindices malefactorū cali,
in edicta Patrū Pratorumq; in legem gentium & naturæ, in contu-
meliam Dei ac hominum patratum, peccatum! Expectatis fortè,
vt conuertatur, & conuertat, ad cor contritum & humiliatum, se-
metipsum incantorem, suas metipsas incantatrices mali puellas, sa-
crilegus? sed inopia vrget, sed stimulus incendit, suapte natura ad

exitium prociduus, protrudens. An speratis auxilium aliquod è
terris, quo ab immani eo deterreatur facinore temerarius? at il-
lud, apud indigam, auarum, incredulam plebem, si implorans pro-
ret, plorans imploret, post synonyma vocum, post eiulatum tædia
non impetrabit. Eia, excandescite iam candidi, candori virgi-
neo, lilio innocentiae, violæ castitatis, flori immaculati Agni, splen-
dori vestro vis infertur; vim vi propellere licet, propellite, scelus
prohibete, iam vlciscimini. Cælis verò hæc fabula surdis A. qui
non modo non puniunt peccantem, peccaturas; verum etiam om-
nes incolumes seruant, vt vitæ, quæ vera est, donatore dotis Ni-
colao, intaminata holocausta conferuent. Nimirum Diuus ille,
vt pneumate agnouit calico, hoc, in vrbe illa, hoc domo in illa
incendi scelus, clam noctu ipse progressus, per fenestratas ianuas,
tantum illuc auri immisit, quantum dotalitio illi oneri, trium e-
locandarum virginum suffecisset: patrem verò & illas à nefario vi-
tæ instituto feliciter renocauit. Quod dum ego intimius confide-
ro factum, & hinc ad eius dignitatem, inde ad temporis angustias,
meamq; tenuitatem, oculos conuerto, accuso me, qui non recen-
suerim Prouinciam susceptam, censendus omnium ore, si humani-
tas vestra patiatur: Quanto enim angustior tempore & ingenio
oratio mea? vt nec partem tam angustæ virtutis complecti possit,
& non merito reliqua, vel potius aliqua venerabunda mentione
percurrat, quàm diutiùs cespitans, sub tanta magnitudine succum-
bat. Te equidem Diue, nullæ panegyres satis panegyricè, nullæ
laudes, satis laudabiliter, nullæ energiae vocis, laierum, actionisq;
venustatibus firmatæ satis energicè prædicabunt; imo nisi amica
Tua Liberalitas officium id, quod mortales Tibi debemus in se as-
sumat, nisi Tua egregia facta libero ac liberali ore sæculis prolo-
quatur; Tu ab homine, quod id ipse de tenuitate sua nullatenus
possit comparare; illaudatus es: laudatus abundè, non manebis.
Quanquam illud, ipsa vt suscipiat, rogare debet, non rogari, quàm
excitasti primus, quàm pari exemplo nullibi viso, vltimus suo in
robore

robores firmam, sua in forma liberalem, sua in gloria perennem
fouisti, quam in proclui internecionis è faucibus coniuratorum
fatorum eripuisti. Felicem, felicem Te, qui vnâ illâ omnem æter-
nitatis memoriam transgrederis; at non minus & illam felicem,
quæ Te vindice ultra ætates perennabit. Felicior Te felici illa,
qui eius in Palæstra lactis virtutum vberibus enutritus, puro auro,
puram virginalem innocentiam ab Erebi damnationibus redi-
mens, *aureo liberalitatis Pontificia stylo exarata, Pontificum*
Ideam in Te præsentas; feliciore Te, feliciorem illam, quæ Tibi
toti aureo, toti gemmeo nixa, vna præ multis electa est; in Ideam
Pontificum deriuari, quasi omnium mater, magistra. Felicissi-
mum Te, cui contigit munificentia munere & proprijs consuluisse
honoribus, & peccantium saluationi prouidisse; Felicissimam &
illam, cui concessum in tantam gloriæ excreuisse magnitudinem,
vt sola putetur, quæ Sanctos faciat peccatores, & profusâ prouidè
eosdem cælorum annumeret voluptatibus. Tu & illa fecistis, vt
difficile accessu cælû vno passu Liberales conscendamus. Vos do-
cuistis quemadmodum de mammona iniquitatis, nostro non sine
commodo, nostro non sine solatio, amicos cælorum nobis lucre-
mur. Vos monstrastis primo exemplo: quod

Aurum per medios ire satellites

Et perumpere amet Altra potentius

Ictu fulmineo.

Nescio num in prosodicam non impegerim alicubi quantitatem.
Grissim tamen haud vereor Orator non Poeta de eo dicens, qui
Sanctus, ultra physicam quantitatem beneficia largiri, errorem
non putabat. Et miremur inde Diuum hunc tantis virtutibus illu-
strem pro Idea Pontificum proponi? stupeamus gloriam eius, tota
æternitate pensari, dignam qua æternitas mensuretur? qui totam
ætatem quâ vixit: omnes annos, quos vixit: ad memoriam æterni-
tatis, toti cælo & orbi spectandam reliquerit; qui compleuerit id
vniuersum, quod à multis vix cogitatum nouimus; qui eam digni-

tatem, quæ Pontificia sit in epitomen faustam liberalitate reuocata, & assequendi, & retinendi honestissimi eius oneris, onerosissimi honoris locupletem subministrat rationem. Volumus ab Episcopis ne illi extraordinario ausu anhelent eam dignitatem, precibus, pretijs, obsequijs, & quibus ego sciam reliquis insinuationum regularibus irreligiosisq; regulis, per amicos, per semetipsos, institui solitis abstinendo, quasi calica calitus potiundi? En Idea Pontificum Nicolaus idem vult, in Episcopum diuinitus monstratus, cum non sperâset, ne somniâset, concordi omnium assensu electus. Requiritur ab illis, vt sint Episcopi, quorum à nutu cætera viuientium plebs, ceu pusillus grex à boni Pastoris consilio, in spe vitæ ac salutis propendeat? En idem Idea eorundem requirit Nicolaus, creditum sibi populum salutaribus præceptis exemplisque, ad vitam & informans & confirmans. Vouemus, vt sint Patres Patronique communes afflictorum, vt muneris sui memores pacem ac tranquillitatem perpetuam orbi voueant, foueant, quo facilius plebs suscipiat DEVM pacis? En vouet idem Idea Pontificum Nicolaus, vnicuique quod vniuscuiusque ius esset libenter tribuens. Denique postulamus, ab illis, vt sint exemplaria quædam, specula quædam & speculæ, communi totius orbis intuitu spectandæ, vt ad eos qui bonus accurrerit, perfectionis ornamenta, qui malus accesserit correctionis optatæ præsidia sortiatur, vt in eis legant afflictæ solatia, egeni subsidia, inopes opem & opes, benè meriti affectum, idonei regno ac Ecclesiæ patrocinium, literæ promotionem, literati tutelam, deniq; omnis in compendio mundus, omnem quæ egeat, quam impleret consilij, consolationis dulcedinem? En idem Idea Pontificum Nicolaus postulat postulatque, ideo Idea Pontificum, quod semetipsum prius benè recensuerit in ea: quod semet illa aureo Pontificiæ Liberalitatis stylo exarauerit, exornauerit in illo, quod ab eo nemo non implorauerit, quod petijset, quod ille in specula orbis, speculum orbis esset toti viuientium ordini, quàm aspectu prouum, tam affectu effectūque salu-

salutare. Illa tamen omnia egit Nicolaus liberalitatis vnus beneficio, quæ totum potest quicquid orbis: Hæc cum in mari naufrago tutum, hæc in carcere hilarem, hæc domi tranquillum, hæc extra securum, hæc vbiq̃ue felicem Sanctumq̃ue seruauit. scilicet potens pro libitu suo omnia, cum potente mercari Deo charitatis ministra, qui ante omnia hominis pretium appretiat, ex amore eius in laboribus à iuuentute sua, perditam, vt inueniret drachmā, pro homine factus homo negotiator industrius, omnia eius amoris charitatiq̃ue concessit; scilicet non inscia illa, coemere hæc suo dominatui, quæcunq̃ue non ad suam, quæcunq̃ue non ad sui Nicolai voluntatē, placitum, dignitatem agerentur. O Te verò Diuum Sanctum, ô Te Diuum aureum, qui aureo dono tantum proficis, quantum infiniti vix capere. Lucraris eo perditarum salutem, amplificas Tuam, vincis DEVM, vinciris à DEO, omnia ad normam sanctitatis propellis quæcunq̃ue illud post officium aggredieris. Sanè DEVS *tibi hæc otia fecit*, quæ pro DEO cum DEO instituis, quæ benefaciendo egenis, munificus elargiris. Cui verò assimilabo Te dilectum? Nolim Ethnicis: Nolim Plinio vel nomine suo Iuniori, Quintiliani filiam ab amore egentioris parentis quinque millibus aureorum in matrimonium elocanti: Nolim reliquis, quos cæca superstitionū magistra mentitur plures, quàm narrat antiquitas. Sanctimonia quippe Tua ne per vmbra in illis potest demonstrari. Velim Catholicis, velim Sanctis, velim Pontificibus, At quibus illis? Hiscene quibus prodromo Gregorio, semel Christum post Angelum hospitio recipiente, non modo externos ad cænam conuocandi, sed per plateas & vicos etiam inquirendi ordinaria fuerat consuetudo? Dignus es. Hiscene, quibus cum Petro Archiepiscopo Tarentasio, domus, omni tempore xenodochium fuit pauperum, peregrinorum, demum omnium è penu quasi aliquo, promptè, laurè pascendorum? Dignus es. Hiscene, quibus cum Carolo Borromeo cardine illo sanctitatis Cardinali, manu propriâ egenos pascendi, infirmos visitandi, afflictis succurrendi, mise-

miseros consolandi, locupletandi, prima voluptas erat? Dignus es. Nec enim illorum merita tanta sunt, ut à Te vno complexa, in Te vno non eniteat vniuersa; neque Tua fuit ea dignitas, ut non cesserit illis Virtutum in Ideam, quorum Tu in similitudinem concessisti. Caterum permitte quoque comparatus antiquioribus, recentioribus exæquari: & Regni nostri peculiaris Patrone Mirensis Nicolae, Cracouiensi illi adoptari, cuius Tu iam consortiis frueris; nos in Ecclesia: *Elogio & Vita* paribus cum orbe famaue terminis coæquanda. In regno votiuâ illa Darij pro Zopyro suo prece: in Academia erga pauperem Cantium vltra Regiam Pontificia liberalitate æternis celebranda canticis, memoribus cantanda annalibus, gratissimi recreamur. Quæsitus hic *cur congestam pecuniam se viuo in ornamenta templorum, aut subsidia miserorum distribui non pateretur?* liberali ingenio subito respondit. Falli magnopere eos, qui me ingentem pecuniam congestisse existimant, cum valde mediocris sit, si modernorum temporum æstimationem, auri nimium censentem priscâ consuetudine demas. Quam tamen non cupiditatis, aut auaritiæ causa asseruo, sed necessitatis Reipublica respectu habito diligenti. Quasi (quod DEVS aueruncet) ab aliquo potenti hoste inopinatò opprimeretur, in repentina perturbatione omnium, posset faciliè iuuari, priusquam contributiones indicerentur publica, aut hostis factò aliquo progressu maiorem audaciam sumeret. Ego, inquit, qui Pastor ouium cura mea commissarum sum, morbis & Senio iam confectus, vel fugâ salutem, vel deditione spontanea querere haud possum, neque etiam liceret: conscripto autem aliquo milite de repente, gregem meum aque, ac me ipsum pro posse defenderem, donec Respublica maiores vires & iustum exercitum collegisset. Quod si verò Numine Sancto à quouis periculo & motu Patriam nostram solito protegente, contigerit me tranquillis temporibus, vitam cum morte feliciter commutare, pecunia illa asseruata cedit pauperibus Deoq; dicatis locis. Vti & factum est. Factum, factum sanè; Factum optimè. Fatentur id superstites hucusq;

egeni

egeni subsidio suo fulti, testantur pauperes Studiosi alimentis aucti, probant Diui indigetes augustissimis ornamentis donati, iurat Respublica subsidijs, non modò consiliorum precumque, at etiam facultatum firmata: muta denique marmora, muta saxa loquuntur, quodcunque illa tot in templis, tot in scholis, tot in aulis, suæ successorumque commoditati, sumptu proprio excitatis, in ædificationem aternæ suæ domus coniurârunt. Iam verò noster, de quo dicimus Nicolaus, quid ad hæc? gratam sibi assentitur grati in calo sodalis repetitam memoriam, suscipit similitudinem, osculatur. Vt enim ille veridico hoc suo responso omnium votis respondit, ad miraculum usq; omnium, liberalis, qua superstes, qua mortuus Ecclesiæ Regniq; ac in ijs afflictorum munificus amator; ita hic tota vita quod monstrauiamus, id vnicum egit, vt egentium vsibus prodesset. Vt ille nihil proprium arbitratus, quod Ecclesiæ esset, nulli proprio, nulli propinquo ante pauperes fauit, ita hic solos afflictos eo pane fouebat. Vt deniq; ille ceu Mysta sacris, ita ciuis Patriæ patrio more providebat, semper illi cõsilia, semper subsidia ministrans; ita hic esto exterus Regno huic nostro Patronus colitur, quicquid à se petiuerit, haud dubia fide largiturus. Atq; vtinam Tu quod nos de Te pollicemur, id nobis benignus concedas, vtinam Tu liberalis, liberali huic libertatis ac nobilitatis veræ domicilio, beneficus propitiator accedas. En Respublica hæc id à Te petit, en nos miseri imploramus. Vide eius accisas fortunas, & in pristinum decorem quod potes & soles reuoca vniuersas: Aspice planctus nostros, & oculis aliquando deterge. Ecce virgo illa, totius orbis famulatrix Polonia prostibulo paratur impiorum, ecce flos eius vltimū vocatur in discrimen. Tu Tu ne verò permittes hoc in orbe facinus? Tu patieris non redemptam innocentiam eius, quam vno auro, auro modico puræ quietis, pacisq; optatæ facillimè queas vindicare? Tu non accedas auxiliator eius, vt immittas pretium reconciliationis eius, cum vindice malefactorum Numine faciendum? Eia in Te illa spes & vota iecit, succurre ei,

C

& qui

& qui superstes olim tres Tribunos, è Constantini Augusti carceribus stupendo prodigio euocâsti, muta illud miraculum in beneficium nobis salutare. Tres non Tribunos, sed Tribus, seruii metu, motuque bellico oppressos, amissam nempe Russiam, afflictam Lithuaniam, scissam Poloniam vindicato. Da Te obsidem, da Te municipem pro omnibus his; quot Regnum istud habet penes se miseros, apud hostem captiuos ciues. Impetra pacem orbi, huic Imperio. Auge securitatem Ecclesiæ, dona fidelibus perseuerantiam, infidelibus conuersionem, denique vniuersorum Patronus vniuersorum animas, bona fortunas, religionem, vitam vtramque ab vtroque hoste, & eius versutissimis conatibus auspicato tueare, DIXI.



10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

4



13. 1. 1201



